

《除一切疾病陀羅尼經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 21, No. 1323

No. 1323

除一切疾病陀羅尼經

開府儀同三司特進試鴻臚卿肅國公食邑三千戶賜紫贈司空諡大鑑正號大廣智
大興善寺三藏沙門不空奉 詔譯

如是我聞。一時薄伽梵。住室羅伐城逝多林給孤長者園。與大苾芻眾千二百五十人俱。眾多諸大菩薩摩訶薩。爾時世尊告阿難陀言。阿難陀有陀羅尼。能除世間一切疾病。汝當受持讀誦通利如理作意。即說密言曰

怛儻也(二合)他(一)尾摩黎尾摩黎(二)嚩曩俱枳黎(三)室唎(二合)末底(丁以反四)軍拏黎(五)嫩奴鼻(六)印捺囉(二合)儼顛(二合七)母隸娑嚩(二合)訶

佛告阿難陀。此陀羅尼若誦持者。宿食不消癯亂風黃痰癢。患痔瘻淋上氣。嗽虐寒熱頭痛半痛。著鬼魅者悉得除差。我以佛眼觀見彼人。諸天魔梵沙門婆羅門能作障難。除非決定業報盡者。餘無能違越作其障難。如來應供正遍知說。一切有情中如來為尊勝。一切法中離欲法尊。一切眾中僧伽為尊。以此誠實言願我及一切有情。食飲喫啖入腹消化得正安樂。娑嚩(二合引)訶(引)

爾時世尊說是經已。諸苾芻僧并諸菩薩摩訶薩。一切大眾天龍八部。受持佛語歡喜奉行

除一切疾病陀羅尼經